

Na osnovu člana 44. Poslovnika o radu Općinskog vijeća Novi Grad Sarajevo („Službene novine Kantona Sarajevo“ broj 13/05, 39/05, 14/06,10/08, 40/08 i 18/09) i članova 1., 49. i 54. Jedinstvenih pravila za izradu pravnih propisa u institucijama Bosne i Hercegovine („Službeni glasnik BiH“ broj 11/05), Komisija za statut Općinskog vijeća Novi Grad Sarajevo, na sjednici održanoj 12.10.2009. godine, utvrdila je Novi prečišćeni tekst Statuta Općine Novi Grad Sarajevo („Službene novine Kantona Sarajevo“ broj 9/98, 16/99, 12/00, 5/01, 8/01, 13/01 – Prečišćeni tekst, 14/04, 33/05, 18/09 i 16/08), u kojem je označen dan stupanja na snagu ovog statuta.

Broj: 01-02-17799/09
Sarajevo, 12.10.2009. godine

P R E D S J E D N I K
Komisije za statut
Nail Gajević, dip. pravnik,s.r.

S T A T U T
OPĆINE NOVI GRAD SARAJEVO
(Novi prečišćeni tekst)

I – OSNOVNE ODREDBE

Član 1.

Ovim statutom uređuju se: samoupravni djelokrug Općine, organizacija, ovlaštenja i način rada organa Općine, oblici neposrednog odlučivanja građana o lokalnim poslovima, osnivanje i rad mjesnih zajednica, organizacija i rad lokalne uprave, neposredno sudjelovanje građana u odlučivanju, imovina i finansiranje lokalne samouprave, propisi i drugi akti Općine, nadzor i zaštita lokalne samouprave, oblici saradnje sa drugim općinama i druga pitanja od značaja za ostvarivanje lokalne samouprave.

Član 2.

Općina Novi Grad je jedinica lokalne samouprave.

Član 3.

Općina ima svojstvo pravnog lica.

Član 4.

Službeno ime općine je Novi Grad Sarajevo.

Član 5.

Sjedište Općine je u Bulevaru Meše Selimovića broj 97.

Član 6.

Područje općine obuhvata naseljena mjesta određena Dejtonskim sporazumom, a u njenom sastavu su sljedeće mjesne zajednice:

Staro Hrasno, Čengiće Vila, Otoka, Švrakino Selo I, Švrakino Selo II, Švrakino Selo III, Aneks, Ali-pašino Polje A-I, Ali-pašino Polje A-II, Ali-pašino Polje B-I, Ali-pašino Polje B-II, Ali-pašino Polje C-I, Ali-pašino Polje C-II, Saraj-Polje, Olimpijsko Selo, Dolac, Buča Potok, Ali-pašin Most I, Ali-pašin Most II, Briješće, Naselje heroja Sokolje, Dobrinja A, Dobrinja B, Dobrinja C, Dobrinja D i Dobroševići.

Granice naseljenih mjesta utvrđuju se odlukom Općinskog vijeća.

Član 7.

Općina ima grb i zastavu, kao i druge simbole o kojima posebnom odlukom odlučuje Općinsko vijeće.

Saglasnost na sadržaj grba i zastave daje Ministarstvo pravde i uprave Kantona Sarajevo. Dan općine utvrđuje se posebnom odlukom Općinskog vijeća.

Član 8.

Općina ima pečat oblika kruga promjera 30 i 50 mm.

Sadržaj pečata, davanje odobrenja za izradu pečata, način vođenja evidencije o izdatim pečatima, način uništavanja pečata i druga pitanja od značaja za izradu i korištenje pečata, uredit će se posebnom odlukom Općinskog vijeća.

Član 9.

Službeni jezici u općini su bosanski jezik, hrvatski jezik i srpski jezik.

Ostali jezici se mogu koristiti kao sredstvo komunikacije.

Službena pisma su latinica i ćirilica.

II – OSTVARIVANJE I ZAŠTITA LJUDSKIH PRAVA I OSNOVNIH SLOBODA, SARADNJA SA OMBUDSMANIMA

Član 10.

Na području općine osigurava se puna zaštita ljudskih prava i sloboda utvrđenih Ustavom Bosne i Hercegovine i Ustavom Federacije, kao i instrumentima datim u Aneksu Ustava Federacije.

Općinsko vijeće ili bilo koji drugi organ Općine ne mogu reducirati ljudska prava i slobode utvrđene aktima iz prethodnog stava. Oni su dužni u donošenju propisa i u njihovoj primjeni posebno voditi računa o efektima koje ti propisi imaju ili mogu imati u oblasti ljudskih prava.

Član 11.

Na području općine, pripadnicima nacionalnih manjina garantuju se i osiguravaju osnovna prava i zaštita ravnopravnog sudjelovanja u javnim poslovima u skladu sa ustavom, zakonom, ovim statutom i općim i pojedinačnim aktima organa Općine.

Općina, u skladu sa mogućnostima, finansijski pomaže rad i djelovanje udruženja koja osnivaju pripadnici nacionalnih manjina radi očuvanja nacionalnog i kulturnog identiteta.

Član 12.

Pripadnicima svih nacionalnih manjina koji u ukupnom broju stanovništva općine sudjeluju ukupno preko 3% stanovništva, garantuje se jedno mjesto u Općinskom vijeću Novi Grad Sarajevo.

Broj pripadnika nacionalnih manjina koji se bira u Općinsko vijeće utvrđuje se na osnovu podataka posljednjeg popisa stanovništva koji je izvršila Bosna i Hercegovina.

Član 13.

Zabranjena je diskriminacija na osnovu spola, nasilje na osnovu spola, seksualno uznemiravanje i uznemiravanje građana u ostvarivanju njihovih prava i obaveza u oblastima iz samoupravnog djelokruga Općine.

Član 14.

Radi zaštite ljudskih prava i sloboda te kontrole rada svih organa vlasti Općine u ovoj oblasti, Općinsko vijeće obrazuje Komisiju za ljudska prava.

Broj članova, način njihovog imenovanja te nadležnosti Komisije iz prethodnog stava, utvrđuju se odlukom Općinskog vijeća.

Član 15.

Svi općinski organi dužni su pružiti Ombudsmanu Bosne i Hercegovine, Ombudsmanu Federacije i svim međunarodnim posmatračkim tijelima za ljudska prava potrebnu pomoć u vršenju njihovih funkcija na području općine.

U okviru pomoći iz prethodnog stava, organi Općine dužni su naročito:

- a) staviti na uvid sve službene dokumente, uključujući i dokumente tajnog karaktera, te sudske i upravne spise,
- b) osigurati saradnju svih službenika i namještenika u davanju potrebnih informacija i podataka,
- c) osigurati pristup i kontrolu na svim mjestima gdje su osobe lišene slobode, zatvorene ili gdje rade,
- d) omogućiti pristup sudskim i upravnim postupcima, kao i sastancima organa.

Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduzimate odgovarajuće mjere ukoliko to bude potrebno.

III – SAMOUPRAVNI DJELOKRUG OPĆINE

Član 16.

Općina je samostalna u odlučivanju u poslovima iz samoupravnog djelokruga u skladu sa ustavom i Zakonom o lokalnoj samoupravi, a podliježe nadzoru zakonitosti kojeg obavljaju nadležni organi Kantona.

Član 17.

Općina u okviru samoupravnog djelokruga:

1. osigurava uvjete za poštivanje i zaštitu ljudskih prava i osnovnih sloboda u skladu sa ustavom,
2. osigurava lokalne potrebe stanovništva u oblasti brige o djeci, obrazovanju i odgoju, radu i zapošljavanju, socijalnoj zaštiti, kulturi, fizičkoj kulturi i sportu, zaštiti životinja, zaštiti bilja i zaštiti čovjekove okoline, ako zakonom nije drugačije određeno,
3. vodi urbanističko-stambenu politiku od značaja za općinu i njen razvoj,

4. upravlja općinskom imovinom,
5. obavlja komunalne i druge uslužne djelatnosti, te lokalne infrastrukture,
6. osigurava uvjete rada lokalnih radio i TV stanica u skladu sa zakonom,
7. vodi brigu o turističkim resursima općine,
8. osigurava korištenje i upravljanje lokalnim građevinskim zemljištem,
9. osigurava javni red i mir,
10. obavlja upravne poslove iz samoupravnog djelokruga.

Član 18.

Pored poslova iz prethodnog člana, Općina obavlja poslove kantonalne uprave zakonom prenesene na Općinskog načelnika.

IV – ORGANI OPĆINE

Član 19.

Organi Općine su Općinsko vijeće i Općinski načelnik, koji svoju funkciju vrše u skladu sa ustavom, zakonom i ovim statutom.

1. Općinsko vijeće

Član 20.

Općinsko vijeće je organ odlučivanja u Općini.
Članovi Općinskog vijeća odgovaraju za ustavnost i zakonitost akata koje Općinsko vijeće donosi u okviru svojih nadležnosti.

Član 21.

Općinsko vijeće ima 31-og vijećanika.

Član 22.

Mandat članova Općinskog vijeća traje četiri godine.

Član 23.

Vijećnike Općinskog vijeća, na višestranačkim, slobodnim i demokratskim izborima biraju birači neposrednim i tajnim glasanjem, na teritoriji općine u skladu sa zakonom.

Svaki birač sa teritorije općine ima pravo glasati za bilo koju od registrovanih stranaka i biti biran za općinskog vijećnika.

Član 24.

Svaka stranka će dobiti broj vijećničkih mjesta u Općinskom vijeću srazmjerno postotku osvojenih od ukupnog broja važećih glasova.

Član 25.

Prije svakih izbora, svaka registrovana stranka objavljuje izbornu listu kandidata.

Vijećnici u Općinskom vijeću biraju se sa vrha liste te stranke prema broju dobivenih glasova.

Zamjene za vijećnike kojima je prestao mandat prije isteka mandata Općinskog vijeća vrši se od osoba koje slijede na ostatku izborne liste stranke čiji je vijećnik u pitanju.

Član 26.

Općinsko vijeće prvi put se saziva najkasnije trideset dana od dana objavljivanja rezultata izbora.

Član 27.

Općinsko vijeće bira, između izabranih općinskih vijećnika, predsjedavajućeg i do četiri zamjenika predsjedavajućeg, po postupku utvrđenom Poslovníkom o radu Općinskog vijeća.

Predsjedavajući zastupa Općinsko vijeće i predsjedava sjednicama Općinskog vijeća.

Predsjedavajući Općinskog vijeća svoju dužnost obavlja profesionalno.

Općinsko vijeće bira, na prijedlog izabranih općinskih vijećnika, sekretara Općinskog vijeća, koji tu dužnost obavlja profesionalno.

Član 28.

Općinski vijećnici za svoj rad u Općinskom vijeću i za rad u komisijama i tijelima imaju pravo na naknadu troškova, odnosno nadoknadu izgubljene zarade, u skladu sa odlukom Općinskog vijeća.

Nespojive su funkcije Općinskog načelnika, odnosno općinskog službenika i namještenika sa funkcijom općinskog vijećnika.

Nakon završenog mandata, općinski vijećnik ima pravo u roku od 30 dana vratiti se na radno mjesto na kojem je radio prije postavljanja.

Vijećnicima se izdaje vijećnička legitimacija.

Član 29.

Sjednice Općinskog vijeća su javne, izuzev u slučajevima kada je to predviđeno Poslovníkom o radu Općinskog vijeća.

Član 30.

Unutrašnja organizacija i način rada Općinskog vijeća uređuje se Poslovníkom o radu Općinskog vijeća u skladu sa zakonom i Statutom Općine.

Poslovník o radu Općinskog vijeća se donosi većinom glasova izabranih općinskih vijećnika.

Član 31.

Općinsko vijeće donosi odluke većinom glasova izabranih općinskih vijećnika, izuzev Statuta i odluke o osnivanju mjesne zajednice, koji se donose dvotrećinskom većinom glasova izabranih općinskih vijećnika.

Član 32.

Općinsko vijeće može osnovati savjete, komisije, odbore i druga radna tijela u svrhu priprema odluka i drugih akata iz njegovog djelokruga.

Sastav, broj članova, djelokrug i način rada tijela iz prethodnog stava utvrđuje se Poslovníkom o radu Općinskog vijeća, odnosno posebnom odlukom o osnivanju radnog tijela.

Član 33.

Općinsko vijeće:

1. donosi Statut Općine,
2. donosi odluke, druge propise i opće akte te daje njihovo tumačenje,
3. donosi poslovnik o svome radu,
4. vrši izbor, smjenjivanje i opoziv predsjedavajućeg Općinskog vijeća i njegovog zamjenika, izbor članova radnih tijela, te postavlja sekretara Općinskog vijeća,
5. donosi budžet i izvještaj o izvršenju budžeta, i usvaja završni račun na prijedlog Općinskog načelnika,
6. donosi program razvoja za pojedine djelatnosti za koje je nadležno,
7. donosi propise o općinskim pristojbama i na drugi način osigurava finansijska sredstva u skladu sa zakonom,
8. osniva javna preduzeća, javne ustanove i druga pravna lica za obavljanje privrednih, društvenih, komunalnih i drugih djelatnosti od interesa za općinu,
9. raspisuje referendum,
10. raspisuje javni zajam i samodoprinos, i odlučuje o zaduženju Općine,
11. utvrđuje naziv za dijelove naseljenog mjesta,
12. podnosi inicijativu za davanje i izmjenu naziva ulica, trgova, mostova i dr.
13. vrši poslove drugostepenog organa kada je Općinski načelnik rješavao na osnovu propisa Općine,
14. dodjeljuje javna priznanja Općine,
15. vrši i druge poslove utvrđene zakonom i ovim statutom.

Član 34.

Za obavljanje stručnih i drugih poslova za potrebe Općinskog vijeća, radnih tijela i vijećnika osniva se posebna služba, o čemu odluku donosi Općinsko vijeće.

Aktom o osnivanju službe utvrđuje se djelokrug, način rukovođenja i druga pitanja od značaja za rad i izvršavanje zadataka.

Član 35.

Općina ima Općinskog načelnika.

Na izbor, prestanak mandata, opoziv, zamjenu i prava Općinskog načelnika nakon prestanka mandata direktno će se primjenjivati odredbe zakona kojima se uređuju ova pitanja.

Općinski načelnik i predsjedavajući Općinskog vijeća ne mogu biti iz istog konstitutivnog naroda, odnosno iz reda ostalih.

2. Općinski načelnik

Član 36.

Općinski načelnik je izvršni organ Općine, koji predstavlja i zastupa Općinu.

Općinski načelnik svoju dužnost obavlja profesionalno i za to vrijeme ostvaruje pravo na plaću, kao i druga prava po osnovu rada.

Općinski načelnik odgovara za ustavnost i zakonitost akata koje donosi, odnosno predlaže Općinskom vijeću.

Član 37.

Općinski načelnik, u obavljanju poslova iz samoupravnog djelokruga Općine, nadležan je za:

1. provođenje općinske politike, izvršavanje općinskih propisa i općih akata te izvršavanje prenesenih nadležnosti općini od strane Kantona,
2. imenovanje i smjenjivanje svih općinskih službenika i namještenika,
3. osiguravanje saradnje općinskih službenika sa ombudsmanima,
4. podnosi prijedloge izvještaja Općinskom vijeću i javnosti o provođenju općinske politike i svojih aktivnosti,
5. obavještava Skupštinu Kantona, odnosno kantonalne organe o izvršavanju kantonalne politike i kantonalnih zakona te drugih propisa i međunarodnih ugovora, kao i o stanju u odgovarajućoj oblasti, kada je izvršavanje te politike i tih zakona, odnosno međunarodnih ugovora povjereno Općini.

U obavljanju prenesenih poslova kantonalne, odnosno federalne uprave, Općinski načelnik vrši poslove utvrđene Zakonom o prenošenju poslova kantonalne uprave na Općinskog načelnika, odnosno Gradonačelnika i drugim zakonima.

V – ODNOSI IZMEĐU OPĆINSKOG VIJEĆA I OPĆINSKOG NAČELNIKA

Član 38.

Odnosi između Općinskog načelnika i Općinskog vijeća zasnivaju se na principima međusobnog uvažavanja i saradnje, uz pojedinačnu odgovornost za ostvarivanje vlastitih nadležnosti i zajedničku odgovornost za funkcionisanje Općine u skladu sa zakonom.

Član 39.

Općinski načelnik je dužan Općinskom vijeću dostaviti prijedlog budžeta Općine u roku utvrđenom zakonom i budžetskim kalendarom.

Priprema, usvajanje i izvršenje budžeta Općine vršit će se u skladu sa procedurama i principima utvrđenim zakonom.

Član 40.

Općinski načelnik dužan je u pisanoj formi polugodišnje informisati Općinsko vijeće o ostvarivanju politike Općine i odgovoriti na vijećnička pitanja i inicijative na način i u rokovima utvrđenim Poslovníkom o radu Općinskog vijeća.

Član 41.

Općinsko vijeće i Općinski načelnik, u skladu sa procedurom i rokovima utvrđenim zakonom, mogu zatražiti preispitivanje donesenih odluka i drugih akata za koje smatraju da su neustavni ili nezakoniti.

Član 42.

Općinsko vijeće je dužno razmotriti prijedlog odluke, odnosno informaciju koju podnese Općinski načelnik, i o tome se izjasniti u roku od 30 dana.

VI – SLUŽBE ZA UPRAVU

Član 43.

Za obavljanje poslova iz svoje nadležnosti, poslova lokalne samouprave i upravnih poslova iz samoupravnog djelokruga Općine, kao i prenesenih poslova kantonalne uprave, Općinski načelnik utvrđuje organizaciju službi za upravu u skladu sa zakonom.

Općinski načelnik sa službama za upravu obavlja poslove uprave iz samoupravnog djelokruga Općine i poslove kantonalne uprave koji su kantonalnim zakonom preneseni na Općinu, u okviru Jedininstvenog organa uprave.

Član 44.

Zakonom kojim se prenose poslovi kantonalne, odnosno federalne uprave, bliže se uređuju prava i dužnosti organa uprave Općine u obavljanju prenesenih poslova, kao i način vraćanja Kantonu prenesenih poslova kantonalne uprave.

Općinski načelnik obavezan je organizovati službe za upravu za obavljanje prenesenih poslova kantonalne uprave u skladu sa zakonom kojim se uređuje kantonalna uprava.

Član 45.

Službama za upravu neposredno rukovode pomoćnici Općinskog načelnika.
Pomoćnik Općinskog načelnika za svoj rad je odgovoran Općinskom načelniku.

Član 46.

Općinski načelnik postavlja državne službenike i namještenike na osnovu javnog konkursa, odnosno oglasa u skladu sa zakonom.

Član 47.

Unutrašnja organizacija općinskih službi za upravu uređuje se Pravilnikom o unutrašnjoj organizaciji u skladu sa važećim propisima.

Član 48.

Pravilnik o unutrašnjoj organizaciji službi za upravu donosi Općinski načelnik u skladu sa zakonom.

Član 49.

Rad Općinskog načelnika i općinskih službi za upravu je javan.
Javnost se može isključiti samo izuzetno u slučajevima utvrđenim zakonom.

VII – SAVJET OPĆINSKOG NAČELNIKA

Član 50.

Radi izvršavanja poslova iz nadležnosti Općinskog načelnika, Općinski načelnik osniva Savjet Općinskog načelnika.

Savjet Općinskog načelnika čine pomoćnici načelnika, kao i druge osobe koje odredi Općinski načelnik.

Broj članova Savjeta Općinskog načelnika utvrđuje se odlukom Općinskog načelnika o osnivanju Savjeta Općinskog načelnika.

Savjet Općinskog načelnika pomaže Općinskom načelniku u donošenju, pripremanju i izvršavanju odluka i drugih akata iz njegove nadležnosti te vrši i druge poslove utvrđene Statutom i drugim propisima Općine.

VIII – NEPOSREDNO SUDJELOVANJE GRAĐANA U ODLUČIVANJU

Član 51.

Građani mogu neposredno sudjelovati u odlučivanju o lokalnim poslovima iz samoupravnog djelokruga Općine referendumom, mjesnim zborom građana i građanskom inicijativom u skladu sa zakonom i ovim statutom.

a) Referendum

Član 52.

Referendum se može raspisati radi odlučivanja o prijedlogu o promjeni Statuta Općine, o prijedlogu propisa ili drugog općeg akta, kao i o drugim pitanjima iz djelokruga Općinskog vijeća određenih zakonom i Statutom Općine.

Referendum, na osnovu zakona i Statuta Općine, raspisuje Općinsko vijeće na prijedlog jedne trećine članova Općinskog vijeća, na prijedlog Općinskog načelnika ili na prijedlog jedne petine mjesnih zajednica na području općine.

Član 53.

Prijedlog za raspisivanje referenduma sadrži pitanja o kojima građani treba da se izjasne na referendumu, kao i područje na kojem treba provesti referendum.

Član 54.

Odlukom o raspisivanju referenduma određuju se pitanja o kojima se na referendumu građani treba da se izjasne, te dan i način održavanja referenduma, kao i područje na kojem će se referendum provesti.

Član 55.

Pravo odlučivanja na referendumu imaju građani koji imaju prebivalište na području općine i upisani su u birački spisak.

Odluka donesena na referendumu obavezna je za Općinsko vijeće i građane.

Član 56.

Referendum provodi komisija za provođenje referenduma koju imenuje Općinsko vijeće. Komisija za provođenje referenduma određuje upisna mjesta na području na kojem će se građani izjašnjavati na referendumu.

Referendum se provodi u skladu sa ovim statutom, odnosno statutom mjesne zajednice.

b) Mjesni zbor građana

Član 57.

Na mjesnom zboru građani mogu raspravljati o svim pitanjima iz samoupravnog djelokruga Općine, predlagati način rješavanja određenog pitanja, odnosno donošenja akata iz djelokruga Općinskog vijeća.

Općinsko vijeće može tražiti mišljenje od zbora građana mjesne zajednice o prijedlogu općeg akta ili drugog pitanja iz djelokruga Općine, kao i o drugim pitanjima određenim zakonom i Statutom Općine.

Član 58.

O svakom pitanju iz djelokruga Općinskog vijeća može se pokrenuti rasprava putem građanske inicijative.

O prijedlogu iz prethodnog stava, Općinsko vijeće mora raspravljati ako ga potpisom podrži najmanje deset posto birača upisanih u birački spisak Općine i dati odgovor podnosiocima najkasnije u roku od tri mjeseca od prijema građanske inicijative.

Pisana odluka se dostavlja nosiocu građanske inicijative odmah po njenom donošenju.

Član 59.

Općinski načelnik dužan je omogućiti građanima i pravnim licima podnošenje prigovora i pritužbi na svoj rad i rad službi za upravu Općine, kao i na nepravilan odnos zaposlenih kada im se obraćaju radi ostvarivanja svojih prava i interesa ili izvršavanja svojih građanskih dužnosti.

IX – MJESNA ZAJEDNICA

Član 60.

Mjesna zajednica se osniva kao oblik neposrednog sudjelovanja građana u odlučivanju o lokalnim poslovima.

Mjesna zajednica se osniva za jedno naseljeno mjesto, više međusobno povezanih manjih naselja ili za veći dio naselja koje u odnosu na ostale dijelove čini zasebnu razgraničenu cjelinu.

Član 61.

Mjesnu zajednicu osniva Općinsko vijeće.

Inicijativu za osnivanje mjesne zajednice mogu dati građani te njihove organizacije i udruženja.

Član 62.

Odluku o osnivanju mjesne zajednice donosi Općinsko vijeće ako se za istu izjasni najmanje dvije trećine općinskih vijećnika.

Član 63.

Mjesna zajednica ima svojstvo pravnog lica u pogledu prava i obaveza utvrđenih Statutom Općine i zakonom.

Član 64.

Mjesna zajednica je nadležna za obavljanje poslova i pokretanje inicijativa koje neposredno utječu na svakodnevne potrebe te život i rad građana u skladu sa zakonom, a koji se odnose na:

1. izgradnju i održavanje puteva, kanalizacije, vodovoda i drugih komunalnih potreba,
2. uređenje naselja, izgradnju i održavanje parkova, nasada, dječijih igrališta, sportskih objekata,
3. izgradnju i održavanje grobalja,
4. čišćenje javnih površina, zaštitu i unapređenje životne sredine,

5. obavljanje i drugih poslova od interesa za život i rad građana u mjestu stanovanja u skladu sa statutom mjesne zajednice.

Član 65.

Odlukom Općine može se mjesnoj zajednici povjeriti obavljanje pojedinih poslova iz samostalnog djelokruga Općine, koji su od neposrednog i svakodnevnog utjecaja na život i rad građana na području mjesne zajednice.

Sredstva za obavljanje poslova iz prethodnog stava osiguravaju se u budžetu Općine.

Član 66.

Organi mjesne zajednice su: zbor građana, savjet i drugi organi utvrđeni statutom mjesne zajednice.

Član 67.

Zbor građana mjesne zajednice čine svi građani nastanjeni na području mjesne zajednice.

Zborom građana predsjedava predsjednik.

Zbor građana usvaja statut mjesne zajednice, pokreće postupak o prestanku rada mjesne zajednice, utvrđuje godišnji plan aktivnosti savjeta mjesne zajednice, odlučuje o raspolaganju imovinom mjesne zajednice, usvaja izvještaj o radu savjeta mjesne zajednice i o drugim pitanjima koja nisu u nadležnosti drugih organa mjesne zajednice.

Član 68.

Savjet mjesne zajednice je izvršno tijelo mjesne zajednice. Broj članova savjeta ne može biti manji od pet niti veći od sedam, ovisno o veličini, razvijenosti i broju stanovnika mjesne zajednice.

Savjet mjesne zajednice biraju građani sa područja mjesne zajednice, koji imaju biračko pravo, neposrednim tajnim glasanjem.

Za svoj rad članovi savjeta mjesne zajednice mogu imati naknadu koja će se odrediti posebnom odlukom Općinskog vijeća, a na prijedlog Općinskog načelnika.

Mandat članova savjeta traje četiri godine.

Savjet mjesne zajednice priprema statut i program rada mjesne zajednice, finansijski plan i zaključni račun, obavlja i druge poslove koji su od značaja za ostvarivanje zajedničkih interesa i potreba građana sa područja mjesne zajednice, utvrđene statutom mjesne zajednice.

Član 69.

Statutom mjesne zajednice, u skladu sa zakonom i Statutom Općine, bliže se uređuju sadržaji poslova mjesne zajednice, organi mjesne zajednice, način njihovog izbora i opoziva, njihova nadležnost, način finansiranja mjesne zajednice, postupak organizovanja izbora za savjet mjesne zajednice, odnos prema Općini i njenim organima, odnos prema pravnim licima na području mjesne zajednice i druga pitanja od značaja za rad mjesne zajednice.

Član 70.

Savjet mjesne zajednice bira predsjednika savjeta.

Predsjednik savjeta predstavlja savjet, saziva sjednice savjeta i njima predsjedava, izvršava program rada i finansijski plan, obavlja i druge poslove u skladu sa statutom mjesne zajednice.

Predsjednik savjeta za svoj rad odgovara savjetu, a Općinskom načelniku za obavljanje onih poslova koji su iz samoupravnog djelokruga Općine prenijeti mjesnoj zajednici.

Član 71.

Savjet mjesne zajednice može sazivati zbor građana radi raspravljanja o određenim potrebama i interesima građana, te davanja prijedloga za rješavanje pitanja od mjesnog značaja.

Način sazivanja zbora građana, njihovog rada i odlučivanja, izbora predsjednika zbora građana i druga pitanja koja se odnose na rad zbora građana uređuju se statutom mjesne zajednice.

Član 72.

Stručne i administrativno-tehničke poslove za potrebe mjesne zajednice obavlja sekretar mjesne zajednice.

Sekretar mjesne zajednice obavlja ovu dužnost profesionalno.

Član 73.

Sredstva za zadovoljavanje potreba i interesa građana u mjesnoj zajednici obrazuje se od:

1. sredstava građana koja oni udružuju putem samodoprinosu ili na drugi način,
2. naknada za usluge i drugih prihoda koje svojim aktivnostima ostvaruje mjesna zajednica,
3. prihoda koje Općina ustupa mjesnoj zajednici u skladu sa planovima razvoja mjesne zajednice, odnosno Općine,
4. poklona i drugih sredstava.

Član 74.

Nadzor nad zakonitošću rada organa mjesne zajednice obavlja Općinsko vijeće.

Općinski načelnik ima pravo predložiti Općinskom vijeću da raspusti savjet mjesne zajednice ako u svom radu učestalo krši statut mjesne zajednice i ne izvršava povjerene poslove.

X – FINANSIRANJE I IMOVINA OPĆINE

Član 75.

Općini pripadaju prihodi za obavljanje njenih dužnosti i ovlaštenja, u skladu sa zakonom i propisom Kantona.

Općini pripadaju javni prihodi u skladu sa propisom Kantona.

Prihodi Općine su naročito:

- prihod od nepokretnih i pokretnih stvari u vlasništvu Općine,
- prihodi od preduzeća i drugih pravnih lica u vlasništvu Općine, kao i prihodi od koncesija koje odobrava Općina,
- prihodi od prodaje pokretnih i nepokretnih stvari u vlasništvu Općine,
- pokloni, nasljedstva i legati,
- općinski porezi i takse čije u granicama određenim zakonom, utvrđuje samostalno,
- pomoć i dotacije,
- naknada troškova iz budžeta Kantona za obavljanje poslova kantonalne uprave koji su preneseni na Općinu,
- drugi prihodi uvrđeni zakonom.

Radi zadovoljavanja potreba građana, sredstva se mogu prikupljati na osnovu neposrednog izjašnjavanja građana, u skladu sa zakonom, odnosno Statutom Općine.

Član 76.

Općina ima budžet u kojem se iskazuju prihodi i rashodi.

Budžet se izrađuje na način predviđen zakonom i donosi se za jednu kalendarsku godinu u roku propisanom budžetskim kalendarom.

Po isteku godine za koju je budžet donesen, sastavlja se završni račun i izvještaj o izvršenju budžeta.

Ukoliko se godišnji budžet za narednu godinu ne može donijeti prije početka godine za koju se donosi, vodi se privremeno finansiranje i to najduže za period od 90 dana.

Odluku o privremenom finansiranju donosi Općinsko vijeće u skladu sa zakonom.

Član 77.

Općina samostalno raspolaže prihodima koji joj pripadaju i može se zaduživati i zaključivati ugovore o kreditu, o čemu odlučuje Općinsko vijeće.

Član 78.

Općina ima u vlasništvu nekretnine i pokretnine.

Imovinom u vlasništvu Općine mora se upravljati brižno, u skladu sa zakonima i drugim propisima.

XI – PROPISI I DRUGI OPĆI AKTI

Član 79.

Općinsko vijeće donosi statut, općinske propise (u daljem tekstu: odluka), budžet, završni račun i izvještaj o izvršenju budžeta, poslovnik Općinskog vijeća i zaključke, daje autentična tumačenja propisa koje donosi i utvrđuje njihov prečišćeni tekst.

Poslovníkom Općinskog vijeća bliže se utvrđuje sadržaj i način pripremanja i donošenja općinskih propisa i drugih akata Općine, a prije stupanja na snagu objavljuju se u Službenim novinama Kantona Sarajevo, odnosno na oglasnoj tabli Općine na način utvrđen u Poslovníku Općinskog vijeća.

Propisi i opći akti organa Općine moraju biti u saglasnosti sa ustavom i zakonom.

Član 80.

Općinski načelnik osigurava izvršenje propisa i općih akata iz prethodnog člana na način i u postupku propisanom zakonom i Statutom Općine.

Član 81.

Općinski načelnik, u izvršavanju propisa i općih akata iz samoupravnog djelokruga Općine, donosi opće akte (uredbe, naredbe, pravilnike i uputstva) i pojedinačne akte kojima se rješava o pravima, obavezama i pravnim interesima fizičkih i pravnih lica u prvom stepenu.

Protiv upravnih akata Općinskog načelnika donesenih u prvom stepenu, u drugom stepenu rješava nadležno tijelo koje obrazuje Općinsko vijeće.

Član 82.

Općinski načelnik, u prenesenim poslovima kantonalne uprave, rješava u upravnim stvarima u prvom stepenu.

XII – UPRAVNI NADZOR

Član 83.

Upravni nadzor nad radom organa Općine obavlja se na način i po postupku predviđenim zakonom.

Nadzor iz stava 1. ovog člana vrše nadležni federalni i kantonalni organi u okviru svojih odgovarajućih područja nadležnosti.

Član 84.

Upravni nadzor nad radom općinskih organa i tijela u vršenju vlastitih nadležnosti Općine uređuje se na način da se ojača uloga nezavisnih tijela, te unutrašnji mehanizam nadzora, posebno u oblastima finansija i upravljanja.

Član 85.

Općinsko vijeće formira radno tijelo koje će vršiti nadzor i kontrolu upravljanja i raspolaganja imovinom Općine, kontrolu javne potrošnje i upotrebu budžetskih sredstava.

Član 86.

Organi Općine se obavezuju na potpunu provedbu naloženih mjera i sudskih odluka koje se donose u okviru nadzora nad radom općinskih organa.

XIII – SARADNJA SA DRUGIM OPĆINAMA

Član 87.

U obavljanju poslova iz samoupravnog djelokruga, Općina ostvaruje saradnju sa drugim općinama.

Saradnja iz prethodnog stava se planira i ostvaruje u poslovima koji su od njihovog zajedničkog interesa.

Saradnju sa drugim općinama ostvaruje Općinsko vijeće, odnosno Općinski načelnik, svako u pitanjima iz svog djelokruga.

Član 88.

Općina se može udruživati u zajednicu općina za određeno područje u skladu sa zakonom.

Odluku o udruživanju Općine u zajednicu općina donosi Općinsko vijeće, samostalno ili na prijedlog Općinskog načelnika.

Odlukom o udruživanju utvrđuju se ciljevi udruživanja, način ostvarivanja tih ciljeva u zajednici općina i druga pitanja od značaja za rad u zajednici općina.

Član 89.

Općina može pristupiti međunarodnim udruženjima lokalnih zajednica i saradivati s odgovarajućim lokalnim jedinicama drugih država u skladu sa zakonom.

Odluku o pristupanju udruženjima, odnosno ostvarivanju saradnje iz prethodnog stava donosi Općinsko vijeće.

Član 90.

Općina se može udruživati u Savez općina Federacije, o čemu odlučuje Općinsko vijeće.

XIV – JAVNA PRIZNANJA OPĆINE

Član 91.

Općinsko vijeće dodjeljuje nagrade i javna priznanja građanima, političkim organizacijama, privrednim subjektima, udruženjima građana i drugim organizacijama i zajednicama za zasluge na područjima društvene, privredne, kulturne i drugih aktivnosti.

Član 92.

Javna priznanja su:

- Zlatna plaketa „Safet Hadžić“
- Srebrna plaketa „Safet Hadžić“
- Druge nagrade i javna priznanja

Zlatne i srebrene plakete „Safet Hadžić“ dodjeljuju se u pravilu jedanput godišnje.

Član 93.

Javna priznanja dodjeljuje Općinsko vijeće na prijedlog Komisije za nagrade, odlikovanja i druga priznanja.

XV – NAČIN PROMJENE STATUTA

Član 94.

Izmjene i dopune ovog statuta kojima se vrše usklađivanja pojedinih njegovih odredaba sa ustavom i zakonom, vrše se po skraćenom postupku bez provođenja javne rasprave.

Član 95.

Ukoliko prijedlog za promjenu Statuta ne bude prihvaćen, isti se ne može ponovno razmatrati na sjednici Općinskog vijeća prije isteka šest mjeseci od dana razmatranja.

Član 96.

Promjena Statuta Općine smatra se usvojenom ukoliko se za istu izjasni najmanje dvije trećine općinskih vijećnika.

Član 97.

Poslovníkom Općinskog vijeća bliže se razrađuje postupak donošenja, odnosno promjena Statuta.

XVI – PRIJELAZNE I ZAVRŠNE ODREDBE

Član 98

Općinski načelnik obavezan je predložiti Općinskom vijeću odluku o obrazovanju Jedinstvenog općinskog organa i odluku o obrazovanju organa za drugostepeno upravno rješavanje u poslovima uprave iz samoupravnog djelokruga Općine, nakasnije u roku od 30 dana od dana stupanja na snagu ovog statuta.

Općinski organi uprave nastavljaju raditi prema Odluci o organizaciji i radu općinskih organa do donošenja propisa iz prethodnog stava.

Član 99.

Organizovanje mjesnih zajednica u skladu sa ovim statutom izvršit će se u roku od 6 mjeseci od dana stupanja na snagu ovog statuta.

Član 100.

Mjesne zajednice su dužne donijeti svoje statute u roku od 60 dana od dana stupanja na snagu ove odluke.

Član 101.

Gramatička terminologija za imenice koje se odnose na pojedine funkcije ili radna mjesta, upotrebljene u Statutu u muškom rodu, odnose se na oba spola.